

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-19-21130/22  
Sarajevo, 09.12.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

## **ODLUKU**

### **o izboru najpovoljnijeg ponuđača u predmetu – Izgradnja vodovodne distributivne mreže u ulici Kralja Stjepana Tomaševića**

#### **I**

Prihvata se preporuka Komisije za javnu nabavku radova i okvirni sporazum u predmetu - Izgradnja vodovodne distributivne mreže u ulici Kralja Stjepana Tomaševića, broj obavještenja 422-1-3-221-3-197/22, objavljeno na Portalu javnih nabavki dana 12.10.2022.godine i u “Službenom glasniku BiH”– Oglasnik javne nabavke broj 69/22 od 14.10.2022.godine, dodjeljuje se grupi ponuđača “Harysco” d.o.o. Sarajevo i “Instel” d.o.o. Bijeljina, sa ponudenom cijenom za okvirni sporazum u iznosu od 290.000,00 KM bez PDV-a, odnosno 339.300,00 KM sa PDV-om.

#### **II**

Zadužuje se Služba za zajedničke poslove da ovu Odluku objavi na web stranici Općine [www.novigradsarajevo.ba](http://www.novigradsarajevo.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

#### **III**

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

### **Obrazloženje**

Odlukom broj 02/12-19-21130/22 od 06.10.2022. godine Općina Novi Grad Sarajevo pokrenula je otvoreni postupak javne nabavke - Izgradnja vodovodne distributivne mreže u ulici Kralja Stjepana Tomaševića, broj obavještenja 422-1-3-221-3-197/22, objavljeno na Portalu javnih nabavki dana 12.10.2022.godine i u “Službenom glasniku BiH”– Oglasnik javne nabavke broj 69/22 od 14.10.2022.godine. Zapisnikom o otvaranju ponuda od 02.11.2022. godine Komisija je konstatovala da je u predviđenom roku, u propisno upakovanoj koverti, pristiglo šest (6) ponuda ponuđača:

1. „Džekos” d.o.o. Sarajevo
2. „Mibral” d.o.o. Sarajevo
3. grupa ponuđača “Ted Invest” d.o.o. Sarajevo i “Team Hidro” d.o.o. Sarajevo
4. “Mukić-Komerc” d.o.o. Jajce
5. grupa ponuđača “Harysco” d.o.o. Sarajevo i “Instel” d.o.o. Bijeljina
6. grupa ponuđača “Hidrom” d.o.o. Vogošća i “Terino beton” d.o.o. Breza

Zapisnik sa otvaranja ponuda dostavljen je ponuđaču na fax u zakonom predviđenom roku.

Nakon što je Komisija utvrdila da je pristiglo šest ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač "Džekos" d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove koji se odnose na izgradnju vodovodne distributivne mreže vrijednosti najmanje 210.000,00 KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora ponuđača koji su u vezi sa predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor koji za predmet ugovora ima radove koji se odnose na izgradnju vodovodne distributivne mreže vrijednosti najmanje 210.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove koji se odnose na izgradnju vodovodne distributivne mreže vrijednosti najmanje 210.000,00 sa PDV-om, koju je izdala ugovorna strana – naručilac radova. Ponuđač je kao dokaz tehničke i profesionalne sposobnosti priložio potvrdu o uspješno realizovanim ugovorima koju je izdala Općina Stari Grad Sarajevo broj 13/1-19-1317/20 od 17.08.2020.godine, koja se odnosi na radove izgradnje podzemne garaže sa višenamjenskim trgovom i okolnom saobraćajnicom (građevinsko zanatski, elektro, mašinski, radovi ViK-e, hortikulturalno uređenje i uređenje saobraćajnice) MZ Bistrić – Općina Stari Grad Sarajevo. Obzirom da se predmet nabavke odnosi na izgradnju vodovodne distributivne mreže, Komisija je utvrdila da vrijednost radova iz dostavljene potvrde koji se odnose na vodovod nije u iznosu od 210.000,00 KM, kako je traženo tenderskom dokumentacijom.

Iz naprijed navedenih razloga utvrđeno je da ponuđač "Džekos" d.o.o. Sarajevo ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Nadalje Komisija je utvrdila da ponuđač „Mukić-Komerc” d.o.o. Jajce ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) tehnička i profesionalna sposobnost – dokaz da je ponuđač opremljen neophodnom opremom za obavljanje predmetnih radova, a tačkom 3.4.2. (e) propisano je da se za opremu kao dokaz dostavlja izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme (original ili ovjerena kopija). Za kamione se dostaviti važeće saobraćajne dozvole (original ili ovjerena kopija), za radne mašine važeću saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje.

Komisija je utvrdila da ponuđač „Mukić-Komerc” d.o.o. Jajce nije dostavio Izvod iz knjige osnovnih sredstava što je bio dužan dostaviti u sklopu svoje ponude a u skladu sa navedenom tačkom tenderske dokumentacije.

Takođe ponuđač ne ispunjava kvalifikacioni uslov tražen u tenderskoj dokumentaciji iz 4.7.2. - *Garancija za ozbiljnost ponude koja se dostavlja na sljedeći način: -originalna bankovna garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja; plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude.* Ponuđač je dostavio garanciju za ozbiljnost ponude koja je uredno numerisana i zatvorena naljepnicom, ali nije otisnut pečat na način da isti obuhvati i naljepnicu i plastičnu foliju, kako bi se onemogućilo naknadno vađenje odnosno umetanje listova.

Takođe u ponudi ponuđača "Mukić-Komerc" d.o.o. Jajce je utvrđena računaska greška ali ista nije bila od utjecaja na dalji tok postupka.

Iz naprijed navedenih razloga utvrđeno je da ponuđač „Mukić-Komerc” d.o.o. Jajce ne ispunjava uslove tražene u tenderskoj dokumentaciji iz tačke 3.4.1. (d) – tehnička i profesionalna sposobnost i tačke 4.7.2. te je ponuda odbačena shodno odredbama člana 68. stav (4) tačka i) Zakona o javnim nabavkama

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu preostalih ponuda te utvrdila računsku grešku u ponudi grupe ponuđača "Ted Invest" d.o.o. Sarajevo i "Team Hidro" d.o.o. Sarajevo.

Navedene greške su se odrazile na to da ukupno ponuđena cijena za ugovor u Aneksu 2 i Aneksu 3 ponude treba da iznosi: 363.258,34 KM bez pdv-a, iznos PDV-a treba da iznosi 61.753,92 KM, dok ukupno ponuđena cijena za ugovor sa PDV-om treba da iznosi 425.012,26 KM. Komisija je dana 09.11.2022.godine uputila ponuđaču obavijest o ispravci računske greške, o čemu je ponuđač je dostavio saglasnost broj 02-171/22, dana 10.11.2022. godine.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi:

1. grupa ponuđača "Hidrom" d.o.o. Vogošća i "Termo beton" d.o.o. Breza sa ponuđenom cijenom za okvirni sporazum u iznosu od 335.453,11 KM bez PDV-a, 2. grupa ponuđača "Harysco" d.o.o. Sarajevo i "Instel" d.o.o. Bijeljina sa ponuđenom cijenom za okvirni sporazum u iznosu od 362.927,13 KM bez PDV-a, 3. „Mibral“ d.o.o. Sarajevo sa ponuđenom cijenom za okvirni sporazum u iznosu od 362.943,93 KM bez PDV-a i 4. grupa ponuđača "Ted Invest" d.o.o. Sarajevo i "Team Hidro" d.o.o. Sarajevo sa ponuđenom cijenom za okvirni sporazum u iznosu od 363.258,34 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 30.11.2022. godine sa početkom u 12:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-221/22 od 30.11.2022.godine, Komisija je utvrdila da konačna rang listu ponuđača koji su učestvovali na e-aukciji izgleda kako slijedi:

1. grupa ponuđača "Harysco" d.o.o. Sarajevo i "Instel" d.o.o. Bijeljina sa ponuđenom cijenom za okvirni sporazum u iznosu od 290.000,00 KM bez PDV-a,  
2. grupa ponuđača "Hidrom" d.o.o. Vogošća i "Termo beton" d.o.o. Breza sa ponuđenom cijenom za okvirni sporazum u iznosu od 291.153,00 KM bez PDV-a,  
3. „Mibral“ d.o.o. Sarajevo sa ponuđenom cijenom za okvirni sporazum u iznosu od 362.943,93 KM bez PDV-a,  
4. grupa ponuđača "Ted Invest" d.o.o. Sarajevo i "Team Hidro" d.o.o. Sarajevo sa ponuđenom cijenom za okvirni sporazum u iznosu od 363.258,34 KM bez PDV-a.

Shodno naprijed navedenom Komisija je donijela preporuku za zaključniji okvirnog sporazuma za predmetnu nabavku sa grupom ponuđača „Harysco“ d.o.o. Sarajevo i "Instel" d.o.o. Bijeljina.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić sekretar komisije

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

